

東  
甌  
金  
石  
志

東甌金石志卷四

嘉善 戴咸弼 鼇峯 纂輯

瑞安 孫詒讓 仲容 校補

宋二

陶山寺井闌石刻

陶山寺彌陀殿後重建井記

聖宋治平二年太歲乙巳十二月二十六辛亥日立  
全式六面石井欄一所具錄捨錢施主名銜如後

檀越主張可久 繆瑀 張度 張口 藏業 祥方 異 張杲 張  
鵬 張晉 謝核 張昂 馮繼 宣 繆珍 李濟 李潮 李倚 鄭再  
張初 黃湛 丘願 吳連 瞿十八 娘 吳堯 張從 業 八娘 鄭  
感 伍德 鄭度 曾懷 陳惠 業 賀戴 珣 陳九娘 繆憲 黃敬

吳足張二十一娘鄭十六娘郭八娘任二十一娘張  
十二娘五伯文謝七娘張二娘劉四娘各捨二伯文  
王十三娘胡亨張五娘劉十七娘張六娘任昉任襲  
任珂任壽任聳任華張胙孫宗潤孫遇林赦婁罕婁  
文秦婁齊劉遠程昌期楊安繆閏林漢林陞劉晉唐  
贊許願王幹劉積中林師保曹狗兒陳剩以上各捨  
錢一伯文宣懺訖福延

今上 皇帝聖壽州縣官班六軍萬姓四恩三有恭  
願入會信人同獲福利共布後因謹錄 匠人杜暹  
此井井闢計錢九貫文勾當僧道捐助緣行者二安  
二崇

右第一面

寺主惠慎

文二百

前資德盈表白有微

皓孜居淑德贊元傳澄滿澄操惠璉澄贊

有隣齊理了白惠問文實惠新澄侃宗賁自評

齊寶常貫用參□□□□齊玉

清遇思靜

已上各捨錢一伯文

有光昭簡惠璘廣良洪梵道欽□

惠嚴利罕善栖志澄處才

已上各捨錢五十文

右第二面

孫詒讓案右重建井闌記在陶山寺大殿後其井  
相傳卽陶隱居丹井遺跡石闌凡六面高約三尺

餘惟兩面有刻字半沒於土命工扣出拓之乃得  
其全字徑一寸額橫書十一字記文共十五行前  
半皆捨錢人姓名未附記語文義淺陋字畫亦拙  
率蓋石工所爲第十二行福延今上今上字跳行  
福延下空處有周八娘男張德懽爲父朱十九郎  
捨五伯文一行蓋刻成後補鑄者攷錢氏大昕四  
史朔閏表治平二年十二月丙戌朔此記立於二  
十六日辛亥與表正合葉祥葉卽葉字唐人避諱  
多如此作此刻在北宋時亦偶承用之張晉晉卽  
辯之俗作北史江式傳載式表云世易風移文字  
改變俗學鄙習復加虛造乃曰追來爲歸巧言爲  
辯宋祁景文筆記考古篇亦云後魏北齊時里俗

作僞字最多如以巧言爲晉隋有柳晉傳又以孔  
易巧矣子見佛書所言辯多作晉世人不復辨詰  
景文此說則辯之作晉又俗書中之譌體也廣韻二十  
八彌辯下重文有晉字則又誤以巧爲功矣

劉公舒湖濱山題名

劉公舒茂純民  
昭乎卜米四  
己酉風物是亭

右刻在樂清湖濱山劉公谷壁上篆書三行行六  
字徑五寸四分谷爲山之勝處迴崖杳嶂亭已無  
存惟有水流雲影而已治平丁未英宗四年也

孫詒讓案四史朔閏表治平四年四月戊申朔己

西其二日也周禮天官序官園游亦如之釋文游  
本亦作游是旂游字通故此亦以旂爲游矣

趙羲之鳳凰巖題名

東洛趙羲

之累游

熙寧改元

清明日題

右題字在平陽鳳凰巖二行七字正書徑四寸年  
月兩行小字分注游字下徑二寸六分

觀音寺石塔題記

温州瑞安縣清

泉鄉周湖東保

女弟子陳氏十

八娘并男葉琮

珣璣新婦朱五

娘何二娘韓六

娘闔家血屬等

同發淨心建造

千佛一塔第一

層永立福利者

熙寧元年六月

二十一日書耳

右第一層第一面佛象下題字

佛一身林四娘答四恩造 佛二身金再並妻任十



四娘造 中尊女弟子陳氏十八娘造 一尊韓六  
娘造 一尊葉大娘造 一尊葉二娘造 一尊葉  
社智造 一尊葉益智造 一尊葉奔智造 佛三  
身姚思造林僧勝李廿四娘造

右第一面計四行

佛三身魯亨張伯孫吳賀造 中尊女弟子朱五娘  
造 佛三身徐十二娘爲母池十二娘劉廿四娘會  
首朱四郎林安昌并妻陳三 缺 佛一身范宗政造  
佛四身趙師保并妻姚六娘造 佛一身季環并  
妻李六娘造

右第二面計四行

佛一身丁二十娘造 中尊女弟子何二娘造 佛

四身房二娘吳九娘王二娘蔡智造 佛一身陳十  
二娘爲七母造 佛五身比丘晏平答四恩三有造  
佛一身童行利韶造

右第三面計三行

佛池九娘徐丑爲考造 大聖葉琮造 一尊葉三  
娘造 一尊葉才智造 佛一身童行可親爲在堂  
陳十二娘造 佛三身陳神救陳蓋口爲缺 佛二  
身陳果并妻朱十六娘造

右第四面計四行

上缺造 佛一身王十一娘造 中佛口口葉璣造  
佛一身會首林四娘造 佛一身戴仁罕宋一娘  
造 佛一身宋一娘爲七母葉五娘口 佛一身陳

二十娘金九娘趙十五娘朱十二娘金一娘各造寶

□

右第五面計三行

中尊弟子葉珣造 佛一十二身當院行者道高造  
各刊所爲 佛三身答四恩三有法界冤親 佛二  
身爲先考陳三十三郎 佛二身爲先妣朱四娘  
佛二身爲七故周四娘 佛一身爲七兄六郎 佛  
一身爲七兄七郎 佛一身爲七弟十郎願同生淨  
土者

右第六面計三行

温州瑞安縣清泉鄉代石南保弟子賈恩并男陳四  
副公新婦邵氏六娘 黃二十五娘孫子元正眞香

滿香文透吳公佑等施淨財造塔一層永彰福利者  
右第二層第一面計二行

又施淨財造

佛六面共七

十二身奉爲

七妻張一娘

往生淨土

者熙靈

元年戊申

十一月誌耳

右第二面佛象下題字

清泉鄉丁田上保

弟子陳再男女

等捨錢二十貫造

佛塔第三層薦

七妻林一娘往生淨

土熙寧二年二月記

右第三層佛象下題字

女弟子倪十五娘造佛一身

童行元口爲七考鄭十八郎捨佛一身

右二行不知何層殘石皮置寺牆旁并拓之

右石塔在瑞安十一都周湖觀音寺仲容比部錄  
示其下三層題字凡六面第一層六面並有字第  
二層止一面有字均熙寧元年造第三層熙寧二

年造亦止一面有字第四五層並高不可拓此塔俗稱觀音塔塔間徧鐫佛像第一層所記皆葉氏眷屬所造

仙巖彭城執中題名

左文

僧處元來

彭城執中同

右刻在瑞安仙巖龍鬚潭前巨石上左文二行首行五字次行四字正書徑六寸二分處元朱沙門永嘉人府縣志仙釋有傳

孫詒讓案處元北宋永嘉僧此彭城執中與同遊疑卽劉彝也宋史彝傳云字執中福州人第進士爲邵武尉調高郵簿移朐山令熙寧初爲制置三

司條例官除都水丞爲兩浙轉運判官知處州加直史館知桂州貶均州團練副使元祐初復以都水丞召還卒據萬曆府志彝治平間嘗通判温州本傳不載蓋偶遺闕孔延之會稽掇英集載彝所作悼賢詩序亦云熙寧己酉春余倅永嘉就移湖北蓋以治平末履任至熙寧己酉始移湖北此題當卽在其時執中雖貫福州而劉氏望出彭城故以自題猶前錢鏐謝客巖題記自稱彭城輔軒也咸淳毘陵志載宜興天申宮邵必書張公洞三字自題太守丹陽不疑所書亦以鄉貫及字代姓名與此畧同蓋宋人題名自有此例矣

任達等飛霞洞題名

左文

戊戌八月二十八日題

郎齊景倩遊此熙寧庚

書郎黃賁通判尙書外

達按部永嘉同郡守尙

提點刑獄度支郎中任

右刻五行行九字字徑四五寸不等左文正書在

永嘉飛霞洞側錢鐸題名篆書之右兩崖相附麗

稍偏向東苔蘚剝蝕爲前人所未見余初得此刻

於日光中諦視之見有字跡遂搜剔出之乃熙寧

庚戌提點刑獄度支郎中任達等所題因命工用

意椎搨僅見十餘字攜歸審視三數日十得七八

因於郡志職官中就其字體相近者反復推尋而



得黃賁齊景備二人齊字以下數字止仿佛其半  
盜字戊字俱隱約不可辨永字亦不見惟於嘉字  
上尙存鈞剔半筆堪以意會永字上尙有按部二  
字細審可見四十五字竟無關文幸矣任達履貫  
無考其爲兩浙提點刑獄雍正通志不載可藉此  
以補其闕攷提點刑獄之官宋太宗淳化二年詔  
轉運使司命常參官一人糾察州軍刑獄四年省  
罷詔轉運司振舉之景德二年復置於是存諸路  
提點刑獄事以朝官充以武臣爲副使又謂之提  
刑司實監司之任天禧四年加勸農使天聖六年  
悉罷仍委轉運司明道二年復置治平元年又罷  
熙寧二年諸路提點刑獄復差文臣其武臣悉罷

蓋此職屢經廢置自熙寧以後遂爲常員不專以刑獄爲事封樁錢穀盜賊保甲軍器河渠事務寔繁權勢益重與轉運司並行矣度支郎中屬戶部宋書百官志度支主算支派也度量也度支尙書之屬有度支金部倉部起部四曹萬厯郡志載黃賁熙寧間知温州軍州事其結銜稱朝奉郎守庫部郎中此云尙書郎者尙書諸司郎官之通稱爲從六品朝奉郎古無是階宋元豐更定官制始以朝奉郎換後行員外郎左右司諫爲正六品階官此刻在熙寧間故尙不以朝奉郎繫銜也齊景倩熙寧開通判温州亦見萬厯志隋門皇中尙書諸曹二十四司各置員郎一人宋爲正七品熙寧庚

東國金石志 卷之四  
戊爲神宗三年

淨光塔塼三種

熙寧壬子李二娘捨塼

右九字在塼之右方字徑一寸

大乘妙法蓮華經

右七字在塼之左方刻塔一座七級每級一字

右宋神宗五年淨光塔塼長一尺一寸四分闊七

寸五分厚一寸五分塔在永嘉松臺山巔初建於

唐元和中爲宿覺禪師真身塔賜名淨光宋太宗

賜寺額曰宿覺名山其後重建於熙寧五年卽此

塼是也每塼刻有一塔高約八寸或刻在左方則

其右方有年號及捨塼人姓氏其塔每級各有字

或刻一塔於塼之中心亦有塔字而無款又一種  
塼正面有塔塔尖高三寸闊七分有陽文四象字  
似延年益壽然未敢信每級各有一字與前塼同  
右二塼郭熙堂家所藏

重建淨光塔輓

前都孔目官胡拱捨

熙寧壬子七月日記

重建淨光塔磚

前都孔目□□□□

熙寧六□□□□□

孫詒讓案右淨光塔塼二藏余家塔在郡城松臺  
山頂唐宿覺禪師瘞處明時圯斷殘塼數百年  
來爲好事者所收所在多有此二塼皆得於郡中  
前一種字尙完好爲熙寧壬子胡拱捨塼重建時

東原金石志 卷之四  
記後一種文與前畧同而下二行各缺其半又前  
塼王子爲熙寧五年此則六年也二塼皆上六字  
大書餘十六字稍小兩行分注於下都孔目官者  
陳者卿嘉定赤城志吏役門載州吏自都孔目官  
至糧料押司官凡十階謂之職級募有產而練於  
事者爲之宋史職官志三司使亦有都孔目官則  
都孔目官卽今之房吏也胡拱疑亦郡人今不可  
考

沈括龍鼻洞題名

沈括

右在樂清雁山龍鼻洞左壁田瑜來右側之下正  
書徑二寸四分括字存中錢塘人宋史附沈遘傳

云擢進士第遷太子中允加史館檢討遷集賢校  
理察訪兩浙農田水利遷太常丞同修起居注擢  
知制誥兼通進銀臺司爲河北西路察訪使尋遣  
聘遼及還拜翰林學士出知宣州明年改知延州  
元祐中徙秀州終光祿少卿分司潤州括博學善  
文於天文方志律厯音樂醫卜無所不通皆有論  
著又紀朝廷故實耆舊出處爲夢溪筆談傳於世  
此遊不紀歲月而括蒼金石志載存中有石門高  
陽兩洞磨崖皆熙寧六年十二月相違當不遠夢  
溪筆談亦有論雁蕩一則與此刻可互證疑均在  
察訪兩浙農田水利時矣

晁端彥丹霞山磨崖

白鶴山頭飛瀑玉簫峯頂  
生烟溪上空聞流水竹閒

不見真仙熙寧八年閏四

月十二日晁端彥美叔題

右題字在樂清白鶴寺左丹霞山張文君丹爐之  
前左旁崖上楊景畧題名之左四行行十字正書  
徑一寸三分端彥說之之父字美叔清豐人與東  
坡同年及第嘗提點兩浙刑獄東坡在揚州美叔  
以發運赴闕有詩送行紹聖間爲秘書少監以直  
秘閣知陝州提舉崇福宮改知潭州見施元之東  
坡詩注萬姓統譜謂其文章字法朝野宗尙此足  
見其一斑矣雁蕩山志亦有宋晁端彥詩不知在

温州何官抑係按部來甌張文君名鷹樂成人隱  
居丹霞山家有苦竹數十頃鷹常居其中王右軍  
聞而造之逃避竹中不與相見見永嘉郡記又府  
縣志載文君隱居處時有白鶴飛翔故名白鶴山  
相傳晉永和三年文君捨宅爲寺後得道日中乘  
白鹿入竹仙去有玉簫峯鹿跡巖諸遺跡

孫詒讓案李燾續資治通鑑長編熙寧七年五月  
晁端彥徙兩浙提點刑獄九年五月晁端彥衝替  
待鞠於潤州因違法赴杭州同天節妓樂燕會也  
十年正月追兩官免勒停据此則熙寧八年美叔  
尙在兩浙提刑任蓋以按部到温州故有雁山白  
鶴山諸題詠矣



楊景略丹霞山磨崖 左文

明年清明後二日又至

月二十二日

熙寧丁巳八

楊景略康功記

右題字在樂清丹霞山晁端彥題字之右左文四  
行楊景略一行六字徑四寸次二行行五字徑三  
寸三分又次一行九字徑二寸五分楊康功洛陽  
人見東坡詩

孫詒讓案蘇頌蘇魏公集有楊康功墓誌云公諱  
景略用祖偕蔭守將作監主簿治平二年擢進士  
第元豐七年避親嫌知揚州移蘇州復徙維揚元

祐元年八月卒兩浙金石志載杭州龍泓洞亦有  
景略題名題元豐己未在此題後二年

黃頌等龍鼻洞題名

黃頌

李广

右在雁山龍鼻洞左壁田瑜題名之上正書

孫詒讓案此刻無年月兩浙金石志載黃頌與楊  
景略等游靈隱龍泓洞題名在元豐二年己未又  
范成大吳郡志進士題名慶厯二年呂溱榜亦有  
黃頌疑卽其人也

柳子春岑崎山題名

元豐初九月中旬

因檢按到尉柳

子春題

文僞案右在瑞安岑崎山翠陰洞左壁三行行三字至七字不等正書徑三寸三分柳子春府縣志職官均失載翠陰洞宋人磨崖十餘種此爲最先所稱檢按未詳何事

周開祖湖濱山題名 左文

周開祖題

豐己未十月廿四日

奇長老來遊元

周思中同靈峰

楊子明李資道

右刻在樂清湖潢山劉公谷口劉公舒題名之前  
左文五行正書徑二寸五分開祖名邠東坡倅杭  
時周爲錢塘令後宰樂清乾隆府志誤列元豐前  
又增入周開祖名誤分兩人蓋據王梅溪集而不  
暇深考者也縣志不誤

孫詒讓案咸淳臨安志周邠字開祖錢塘人嘉祐  
八年登進士第熙寧間蘇軾倅杭多與醜唱軾後  
自密州改除河中府過濰州邠時爲樂清令以雁  
蕩圖寄軾後知吉州官至朝請大夫上輕車都尉  
考東坡次韻周邠寄雁蕩山圖詩自注有將赴河  
中之語與臨安志合王宗稷東坡年譜熙寧十年  
在密州住就差知河中府已而改徐州是開祖令

樂清在熙寧末無疑萬厯府志宋樂清知縣題名  
開祖名下注熙寧八年是也據此刻則元豐二年  
開祖尙在樂清故施氏蘇詩注引吳興向氏所藏  
東坡次韻周開祖見寄詩墨蹟前題云次韻奉和  
樂清開祖長官見寄後題元豐二年六月十三日  
吳興郡齋作與此刻同在一年可以互證而萬厯  
府志於開祖後別載蔣澈注云元豐元年又似開  
祖於元豐元年已受代者以此刻及東坡詩注校  
之疑萬厯志誤也

口公材等岑崎山題名

左文

履常公濟遊此公材題

辛酉季夏中澣日從

翠陰洞

文僞案右在瑞安翠陰洞右壁何文正題記之上  
左文三行首行三字字徑四寸次行八字末行九  
字字徑三寸六分俱正書履常瑞安令朱素之字  
元豐二年任辛酉元豐之四年也公濟公材皆不  
可考惟宋史文苑傳有楊蟠字公濟章安人萬厯  
府志治行傳載蟠紹聖二年以承議郎知温州在  
任二年民愛之如父母每遇佳景民老稚必問郡  
守曾出遊否有後永嘉百詠案仰忻著有永嘉百詠  
詠故云後永嘉百詠  
此公濟或即楊公然楊公守溫在紹聖乙亥上距  
元豐辛酉凡十有五年豈先以他官到溫遊此歟  
瑞安志神剡洞一名翠陰洞深廣可容數十人宋

邑令吳達以神剗名之樹陰蒸翠盛暑生涼陳傅  
良因易名爲翠陰今洞有大觀初祀神剗洞三大  
字磨崖而職官門稱吳達宣和六年任無論上距  
大觀初年已十有八載而元豐元祐諸磨崖已有  
翠陰之名止齋以高孝閒人安有易名之事耶且  
如志言則宣和已前洞又何名耶意者本名翠陰  
大觀初年始有神剗之刻故慶元戊午君舉題名  
亦從之未可知也昌黎和裴度假山詩有洞若神  
剗有巖若天劃此二字所本

案吳達嘉靖瑞  
安志作吳述

趙景仁朱履常岑崎山題名

左文

豐五年五月初一日同遊

趙景仁朱履常林介夫元

右在翠陰洞右壁朱履常絕句之後左文二行行  
十字正書徑二寸六分景仁名帆衢州西安人清  
獻公子由蔭登第通判江與温州代還爲太僕丞  
擢監察御史父老請外以便養命提舉兩浙常平  
奉父徧遊名山人以爲榮介夫名石瑞安人瑞志  
儒林傳少有志操天性至孝初習進士聲律旣而  
曰古人之學不如是也遂沈潛諸經涵養德性王  
安石三經新義盛行石獨不爲新學以春秋教授  
鄉間及春秋爲時所禁乃絕意仕進躬耕樂道由  
是永嘉知有道德性命之學築護堂以養母足跡  
不入城市時趙清獻并與孫監司昌齡石守牧之  
李守鈞皆造其廬郡倅趙帆邑令朱素同拜其母



東陽金石記卷之二  
或偕石游山水閒元符閒母年百十九歲石年九十餘白首終喪不渝禮節建中靖國元年年九十  
八無疾而終世稱塘與先生

孫詒讓案陳文節止齋集石岡斗門記云元豐四年郡丞趙岬景仁行縣與令朱素履常隱士林石介夫賦詩記事則有觀石岡斗門之作此題在觀石岡斗門後一年蓋亦行縣過此塘與一時巨儒而與趙朱同游題詠稠疊足徵兩君之賢矣景仁宋史附清獻傳後書其名爲岬云由蔭登第通判江州温州與止齋集不合攷趙清獻文集有十八男岬自溫倅迎於雁蕩詩東坡集清獻神道碑亦云子岬通判温州從公遊天台雁蕩又云子二人

長曰峴終杭州於潛縣令次卽峴也是景仁始是  
名峴萬厯府志治行傳趙峴元豐二且清獻二子  
其一名峴亦無所謂峴者峴字景山見文同卅宋  
史之誤無疑

趙景仁岑崎山題名

趙景仁遊

翠陰洞

右在翠陰洞左壁柳子春題名之右二行正書徑

二寸四分

趙景仁岑崎山磨崖詩

左文

趙景仁題

搖毫靜坐發清吟

身圖金石記卷之四  
二  
偶約騷人同此樂

洞穴嵌空透碧岑

洞門喬木畫陰陰

右在翠陰洞右壁神剗洞三大字之次左文詩四  
行字徑二寸九分款一行字徑二寸三分正書

李公乘趙景仁仙巖題名 左文

同遊記

趙景仁

李公乘

右在瑞安仙巖梅雨潭前巨巖之陰黃槩題名之  
左左文三行行三字正書徑三寸三分公乘名鈞  
元豐中以朝請大夫知温州

孫詒讓案蘇轍樂城集李鈞壽花堂序云尙書郎  
晉陵李公秉爲南都通守是公秉卽李鈞字之證  
鈞慶厯二年進士見史能之咸淳毘陵志嘗與穎  
濱同官贈答最夥蓋亦當時勝流也

盛居先岑崎山題名

元豐癸亥中秋

邑令盛居先遊

右在瑞安翠陰洞右壁趙景崇題名之後二行行  
六字徑三寸三分攷瑞志職官有盛勝仲元豐三  
年任癸亥乃六年居先或卽其字也

證覺院鐘款

上下八區  
高廣不計

勅賜□□□恭爲祝延

今上皇帝聖壽福及郡縣文武

官僚六軍萬姓鑄造鴻鐘一口

昔元豐七年六月初一日誌

右第一區

當院比丘靈晟施淨財鑄造銅鐘一口所鳩鴻福上  
答四恩下資三有及法界含生俱霑妙利者

右第二區

已下第三第四區僧  
名及助緣姓氏不錄

縣尉王丙

主簿張廉

宣德郎知永嘉縣事周革

朝奉郎通判温州軍州兼管内勸農事輕車都尉賜

緋魚袋唐穀

朝奉大夫知温州軍州兼管內勸農事上輕車都尉

借紫姚原古

右第五區

其第六區施錢  
姓氏三行不錄

孫詒讓案右鐘在永嘉十三都鵝頭頸村密印寺

俗稱頭  
陀寺

鐘鈕閒界爲八區其二區無字第一區云

勅賜證覺院云云舊府志寺觀門無證覺院未詳

其所在

近謝君文波所得證覺院浴堂  
記卽此二字則當在相溪矣

國初時瑞安林法幢官詹增志削髮於密印寺購得

此鐘見本寺周止菴副憲應期所作碑記光緒庚

辰五月詒讓遊密印寺見此鐘手拓其文讀之勅

賜下證覺院三字已爲寺僧磨去滌塵諦審其字

跡尙約畧可辨第五區列温州郡守以下官僚銜

東門金石記卷之四  
名以舊府縣志考之元豐間有郡守姚元吉以朝  
散大夫知蓋卽姚原古之誤原元音同古吉形近  
故致譌舛當據此鐘正之通判唐毅永嘉令周革  
並見郡志簿張廉尉王丙並郡縣志所無當據此  
補錄也

坑下村石橋題字

元豐七年甲子十月日永親記耳

右石橋題字在永嘉四十七都坑下村楷書

趙景崇等岑嶠山題名

左文

張師儀遊此試茶

彥昭丙寅季冬邀

趙景崇彥升彥章

右在翠陰洞右壁神剗洞三大字頂三行左文行  
七字行楷書徑三寸三分彥昭名霄瑞安人師事  
程子博學通古今善論天下事少孤季父析其產  
與兄異財稍長悉以屬兄遊京師入太學登崇寧  
癸未第主長葛簿遷濟州教授誨學者以身體力  
行不專事科舉東方士習爲之不變名聞京師召  
處辟雍李彥立一見稱爲趙顏子大觀三年卒於  
官終承事郎邑志儒林有傳景崇無考疑卽彥昭  
季父彥升彥章或其兄也丙寅爲哲宗元祐元年  
孫詒讓案趙善璪自警編云政和閒溫人趙彥霄  
當作彥昭兄弟二人父母服闋後同爨十二年兄  
此誤下同 彥雲惟聲色博奕是娛彥霄諫之不入遂求析籍



是彦昭兄字彥雲此彥升彥章蓋其從兄也許景  
衡橫塘集有代家兄祭趙彥章文云我家諸甥森  
然比肩秀特而文孰如子賢又有趙表姪出先德  
彥章詩卷詩則彥章於許忠簡爲中表兄弟亦佳  
士也惜其名不可攷

吳君平飛霞洞題名

合吳君平

常父遊

元祐二年丁卯冬

至後一日叔賢侍

右刻在永嘉飛霞洞內題名碑之右崖上字徑四  
寸許行書筆勢翔舞後二行字徑一寸許叔賢當

卽吳君之子侍字偏右畧小又大字中間有辛酉  
十月廿八河南八字殘刻以下不可辨竊疑先有  
是刻下一行爲吳刻所蓋耳君平合永嘉始建縣  
學見通志

孫詒讓案吳君平錢塘人見杭州石屋洞題名皇  
祐元年登第見咸淳臨安志進士表萬厯府志宋  
永嘉知縣題名君平名下注云元祐元年

莫和中飛霞山麓題名

提點刑獄莫口中

知軍州事劉德父

通判張資深知丞

嘉吳常父同遊

夏國金石錄卷之四  
元祐三年閏十

二月十六日

右刻在飛霞山麓正書三行行七字第四行六字  
末行低一字畧小前四行字徑三寸六七分莫字  
下石泐半寸僅存左邊一勾剔右邊正當泐處疑  
其爲莫和中考湖州府志藝文畧有莫君陳字和  
中元祐時人權刑部郎中授知婺州意其爲提點  
刑獄時按部來溫而留此題歟考浙江通志哲宗  
時並無莫姓者爲提點刑獄蓋偶失書又考萬厯  
郡志元祐間知軍州事有劉敦以朝請大夫知當  
卽德父通判有張逢當卽資深其名與字義正相  
應吳常父已見前洞內題名此刻又見孫兩人學

博聞見錄中

孫詒讓案羅願鄂州小集劉豐國行錄云其先自廬陵遷袁之新喻秘書監立德生敦官大中大夫歷守淮揚池睦溫始居揚州則德父袁州新喻人也

林介夫鮑誨翁岑崎山題名

林介夫

鮑誨翁

己巳遊

右在瑞安岑崎山翠陰洞左壁三行行三字正書徑四寸二分己巳元祐四年介夫見前誨翁未詳孫詒讓案葉水心集朝散大夫鮑瀟墓誌云曾祖

極宿州教授有聞熙豐中翰林學士梁公燾銘其墓祖誨梁公銘所謂有隱德東南士人器重之者也此鮑誨翁疑卽鮑誨之字也

何文正岑崎山題名

邑尉何文正公院

檢估曾宿此一宵

時元祐四年六月

十四日寫記歲月

右在翠陰洞右壁周及善等慶元三年題名之上四行行七字正書徑一寸六分何文正志失載山前有寶壇院元祐閒建此云公院檢估疑卽疆理是役也

李仲誠岑崎山題名

左文

元祐四年八月十一日

遊熙志侍行

李仲誠

右在翠陰洞右壁戊午瑞慶節陳君舉題名之上  
左文三行李仲誠遊四字字徑三寸六分熙志侍  
行及年月字徑一寸六分均正書仲誠未詳何許  
人熙志必其子姓

孫詒讓案萬厓府志宋瑞安知縣題名有李公厚  
注云元祐四年此李仲誠疑卽公厚也

滌下石橋題字

皇宋元祐四年歲次己巳十一月初口日行者有傅

募緣造

右石橋題字在永嘉三十四都深下

淨光塔塼五種

□鍾氏一娘施塼一

造塔爲考妣二親

時元祐五年五月日

溫而栗重不泄不爲砥礪爲翰墨守不假人永終  
吉小果項瑞製於壽石山房 此宿覺禪師眞身  
寶塔在松臺峯頂鎮三溪之水高出城表常有五  
色雲覆其巔刺史朱褒奏其事唐僖宗賜名曰淨  
光塔明宏治閒郡守文林毀之遺塼散失久矣道  
光戊戌余與同人有松臺之遊偶得宋元祐重建

之博琢而爲硯并識之示不忘云

孫詒讓案右永嘉淨光塔殘博硯爲項小果舊藏  
自作銘刻於硯端并記得博始末今歸於余小果  
爲果園處士維仁子精篆刻酷嗜金石文字聞訪  
搨温州古刻甚富卒後所藏散佚不復可收拾矣  
□妻鍾氏一娘闈

一千片造塔奉答

祐五年五月日題

孫詒讓案右淨光塔殘博藏瑞安徐岳樵茂才家  
與余所藏均元祐五年作而文微異

弟子何仲參并闈家

博二□片建塔式薦



同生淨土元祐五年五

右一種亦孫孝廉所藏缺其下半何仲參又見後

嘉福院浴鑊題名

大乘

下缺

上缺  
張六娘奉爲

□令鄧國公

孫詒讓案右淨光塔殘塼平陽祝氏所藏已琢爲  
硯右方爲一浮圖形中有大乘二字以下斷缺左  
方別爲方匡與右方浮圖俱到相對匡內有殘文  
二行首行存張六娘奉爲五字次行存令鄧國公  
四字上並缺攷宋史張士遜傳士遜家陰城寶元  
初以門下侍郎兵部尙書入相封郢國公請老拜

太傅封鄧國公致仕卒贈太師中書令諡文懿此  
鄧國公當卽士遜令上蓋缺中書二字張六娘必  
士遜諸女或諸女孫隨夫官温州故爲祖父施塿  
脩塔追薦也

李子陵并母王十一娘妻吳二十八娘男

新婦孫二十四娘同捨寶塔塿一万片

□故李九郎前妻余二十一娘往生者

右塿上缺數字孫蘭卿茂才家所藏亦係淨光塔  
塿也

東國金石志卷四

東甌金石志卷五

嘉善 戴咸弼 鼇峯 纂緝

瑞安 孫詒讓 仲容 校補

宋三

朱履常岑崎山磨崖詩 左文

深

陰洞門雖不鎖誰測洞中

松桂摧危岑烟雲晝亦

方信白雲深 和

蘿翠復陰遊人曾到不

成短詩小洞隱遙岑松

介夫□岑同遊翠陰洞

辛未未伏後兩日履常遇

文僑按右在瑞安岑崎山翠陰洞右壁鄒鉞書翠  
陰洞三大字之頂左文八行四行行九字二行行  
十字一行六字末行一字正書徑二寸二分辛未  
元祐六年岑字上一字似宋字而義不可通或是  
來字未能定也至是而履常介夫岑崎題名各已  
三見介夫年當八十又八矣濟勝具不遠過人哉  
孫詒讓案第二詩首著一和字蓋介夫和履常作  
會唯東甌詩存錄塘輿詩止二篇此可以補其缺  
鐵井闕題字

元祐辛未僧子暉將楚環陪庫錢銀做此井依明堂  
所置

按井在郡城東南隅興文坊小巷內俗名鐵井闌巷口有鐵井名泉四字額井口四圍用厚鐵鑄成大圓井闌口徑五尺下徑七尺圍一丈六尺高二尺五寸厚七寸上有元祐辛未云云二十三字孫兩人學博永嘉聞見錄云鐵久剝蝕字多模糊約畧摹寫恐有錯誤蓋以目驗得之者而字之大小每行若干字均不著錄其時在道光中葉今又三十餘年不知何人於井闌外復用青石周圍甃成大圈字爲石掩不可得而見矣攷辛未爲哲宗元祐六年阮相國兩浙金石志亦未載入井有內外二圈此題字在闌外別有南宋題字在闌內可摹搨詳後第八卷

張文君丹爐內題記 左文

元祐□申二月十六

□中謝國□會飲雙瀑

仙溪劉□□新信

□□松賢鄭景仁毅

□□□字□與林□禮

右在樂清白鶴寺左丹霞山峭壁之下天然一丹  
爐也其體正圓口大如元祐鐵鑊而稍殺四之一  
中窪底斂側立巖旁石色赤如丹砂中有元祐題  
記五行行約十字許正書其剝蝕處不可識僅存  
二十九字疑是左文元祐下當是壬字新字上似  
叔似馭雙瀑在丹霞簫臺兩山峽中分流而下望

如雙玉虹下爲金星溪以文君得名

嘉福院浴鑊

金剛解穢真言唵縛日囉薩帝吽薩訶淨水沐浴身  
心真言唵揭吒嗎嗎清信弟子劉化晟并男淑敏男  
秉文閻家等謹施淨財鑄造浴鑊一口捨入嘉福院  
來充無礙浴室中用所集福利式薦亡妻陳十七娘  
周姐生界者建造浴院弟子何仲參勸緣當院主首  
沙門宗式旨皇宋元祐七年歲次壬申十一月初九  
戊子日制勝火燄峯重叁萬七千觔

梁章鉅雁蕩詩話能仁寺爲雁山一大道場宋僧  
全了初入山結菴于此咸平初賜名承仁寺政和  
中改名能仁寺我朝順治九年乾隆十九年兩



經修整今俱傾圯僅存大殿三間其右有曇花菴  
雲巖菴嘉福院並僅存舊址地上有大鐵鑊修將  
倍尋廣亞之腹內有鑄字約畧可辨云清信弟子  
劉仁晟謹施淨財鑄浴鑊一口捨入嘉福永充無  
礙浴室時皇宋元祐七年歲次壬申十一月此兩  
浙金石志所未收古今人亦從未有歌詠之者惟  
朱文定集有七古一首詩云嘉福今不存所遺惟  
一鑊上有善信名畧識元祐作當時浴室無礙供  
或云遙制火燄峯於今蘚蝕土花碎飛沙烈日交  
磨鎔狡寇剽竊不一顧得壽乃過千石鐘由來物  
數自奇偶豈以有用爲勳庸按鑊寬深可容十許  
人浴室不知何所用豈果洗身去垢之需又何以

必求無礙或云爲遙制火燄峯者近是近余以雁  
蕩遊記寄劉燕庭方伯方伯謂此七百年來古蹟  
良可寶貴令搨紙以獻蓋方伯素嗜吉金款識因  
函致樂清尹蔡子樹庀工施墨雁山素鮮金石磨  
崖空山中忽得此登登種蠟之聲可爲名山增一  
故實矣方伯旣得搨紙遂以七古長韻寄題云丹  
芳嶺鎖雁蕩脊梵宮頽址烟霾積榛菅絡鐵閤以  
奄中有灑然天水碧伯鸞策杖一摩挲繆篆亦頗  
矜標格種搨登登遠相寄二十九字差可覈云是  
嘉福院落成浴室四圍甃以石勸緣弟子吳仲參  
宗武實主沙門籍清潔道場廣大教無遮無礙煩  
襟釋乃至無垢與無塵淨財肯吝黃金擲以沙浴

東園全石記卷之三  
四  
鐵鐵浴身十年可悟達磨壁以水浴鑊鑊浴心立  
證醍醐漱其液劉仁晟亦善男子鑄器特爲生界  
闕所惜長男名闕如秉文以外無可釋是時朝廷  
新法罷東南民力紓阡陌女中堯舜治七年以菩  
薩奠天下宅鄉曲喜事出贏資得斬福亦君之澤  
鑊修倍尋廣亞之恬熙想見饒金帛冬十一月穫  
稻豐召匠攻作正農隙太息青苗賸削時佛出難  
救斯民厄一鑊雖細可鑑古治亂所由在方策否  
則嶽廟二鑊伴蒼松君山一鑊峙江碛款識皆爲  
宋所遺彼教區區何寵惜奇情壯采可與朱文定  
詩相頡頏此鑊當益增不朽矣

文儁按鑊在樂清雁蕩山能仁寺右百餘步內口

圍三丈五寸一分外口圍三丈五尺八寸深約一丈餘底陷泥中不可測徑一丈一尺四分邊徑八寸厚八分腰圍二丈二尺七寸字繞腹內左旋魚貫橫行正書陽文高一分許徑一寸餘至二寸餘不等離鑊口七八寸至一尺餘亦不等鑊內水深六七尺瓦礫半之寺僧云水常年如此雖旱不縮勛金二字交界處及腰閒有兩孔缺均長五寸許廣雁蕩山志能仁寺宋咸平二年僧全了建名常雲院四年寺僧進百寶塔賜名承天寺政和七年以禁中有承天寺改能仁寺嘉福院或爲承天寺子菴而志無可證字凡一百三十有四梁蔭林中丞記其可辨者僅四十字蓋鑊高及肩又中涵汪

濺遊展所經未暇諦審故其所釋舛誤非一如沙  
門宗式作宗武何仲參作吳仲參劉化晟作劉仁  
晟並與拓本不合余游雁山宿能仁寺手自摹拓  
審校竟日始得其全文其難辨者如淑敏周姐仲  
參閣碍利式宗式等字漫蝕已甚畧存形似戊子  
日已下則波磔胥平刻意冥搜頗費目力也嗚嗚  
二字不可識當檢內典此二字去清信弟子空處  
約可八寸其下疑尙有字雁山志引韓則愈記云  
今寺燬惟存鐵鏤一石在荆棘中重二萬七千觔  
乃宋時物僧云尙有一鐘重亦如之爲寇烹分不  
存矣朱文定詩狡寇剽竊不一過得壽乃過千石  
鐘蓋指此也鏤之僅存有呵護之哉能仁寺右有

火燄峯如鳳展翅奇石皆上炎色微紺剡剡如火  
此鑊冶鑄年月日榦支於五行並屬水蓋卽取制  
勝火燄峯之義明何白記謂或云取厭勝術以洩  
鬱攸餘烈若蜀之刻石犀以鎮水怪蓋未諦審斯  
款故尙爲存疑之論也文中永作來充作充皆作  
皆皆別體梁中丞詩話承天作承仁亦誤

浴院見同治湖州府志金石畧湖州飛英寺浴院  
記有同勾當知浴講僧名文內闡揚彼教浴僧之  
義以爲能除七病冬用暖堂夏用涼堂開鉅鑪以  
燥衣建大釜以化湯等語則浴院之設必有大鑊  
且有僧以主之名曰知浴此記作於熙寧元年錄  
之以資攷證

孫詒讓案錢氏四史朔閏表汪氏歷代長術元祐七年十一月庚辰朔此款云初九日戊子與彼正合

僧思惠仙巖磨崖

左文

開戒壇

乾元寺僧思惠到此

皇宋元祐癸酉六月

右在瑞安仙巖梅雨潭前大石上左文三行二行  
行八字一行三字正書徑二寸至四寸不等乾元  
寺在永嘉華蓋鄉癸酉元祐八年

大龍湫題字殘刻

宋元祐

九年四月

二十八日

右題字在樂清雁山大龍湫瀑布前正書徑三寸首一行宋字之上已缺此刻爲近人大書深刻者鑿去僅存三行十一字不知何人所題元祐九年卽紹聖元年

大廣化寺石橋題字

弟子丘世通并妻黃三娘男亞丐等同心造石橋一所

奉荅

四恩三有者紹聖元年甲戌八月七日建

大廣化寺在永嘉五十一都字橫列左右橋眉書



徑五六寸蒼山謝文波茂才思澤錄示

麗塘井闌題字

元符

戊寅

八月□

□杲

捨米四

碩砌

孫詒讓案右井闌題字在瑞安一都麗塘道旁闌凡六角其三方有刻字每方二行行二字三字不等字大方三寸許戊寅爲元符元年捨米四碩砌與石同宋元石刻多作此字

張泌鳳凰巖題名

鄱陽張泌

幾仲因簿

書之暇侍

親來游

時壬午改元

仲春望日題

右在平陽鳳凰巖六行上四行字徑五寸二分年  
月兩行字徑三寸一分平陽志宋知縣有張秘武  
騎尉建中靖國元年任據此刻則秘是泌之訛壬  
午改元卽崇甯元年

岑崎山神剗洞題字 左文

東陽金石志 卷之三  
月癸亥書

大觀初祀二

神剗洞

右在瑞安岑崎山翠陰洞右壁洞名三字正書徑  
寸年月二行左文一行五字一行四字徑寸

不著姓氏未詳何人書大觀中未嘗改年稱祀此  
蓋臨文偶變耳按岑崎山磨崖已上共得十一種  
皆北宋時人合之南宋陳君舉等題名計一十三  
種此山在縣東北二十里爲永瑞水陸通衢泊舟  
塘岸數十武卽寶壇院院後卽翠陰洞宋人題名  
可謂夥矣而前人記載闕如府縣志亦僅載洞名  
磨崖詩刻概未之及以此見志乘之缺遺不少而

幽巖邃壑足跡所不到者更可知矣余於咸豐辛酉冬籌防來此讀兩崖題句殆徧未及摹搨有詩紀其事今又十餘年矣始得一一甄錄如右林陳諸名賢遺跡皆親書於石猶想見其淋漓揮翰時也

明因院寶塔塼第一種

白崑山頂造塔塼 古瓦礫

文僞按右塔塼在瑞安白巖山文在側面十一字兩開顛倒寫正書徑一寸一分大觀中邑令呂勤以縣東南勢弱立塔以壯之爲颶風撼其頂震雷復正因名雷震道場前明及國朝凡七修咸豐辛酉秋金錢會匪倡亂平陽悉眾圍瑞安舉大礮

置隆山環攻十晝夜援至退走其始合圍也縱火  
民居附城三里悉爲焦土塔亦被焚今院已興復  
七層寶相未整舊觀而基身堅固塙壁完好蠟灰  
剝處僅見側面文正面無由得見明因院志稱在  
白巖山麓今廢

吳元禮墓誌銘

宋故吳氏三十五郎府君墓銘

宋故吳氏府君墓誌銘

橫陽桂嶺逸人濟南林根撰 浦城潘濂書并題

額

公濮陽郡諱承膺字元禮溫之瑞邑義翔鄉小玉村  
之良民曾大父隱大父憩父利標數世于茲逮 公

之爲人賦性敦樸尤善於家前人之田 公能闢之前人之基 公能構之事父母致其孝友兄弟稱其義育妻妾子孫甚慈待閭里鄉黨有禮 公有德如此乃良民中一君子焉惜乎僻居薄俗不知學儒而名不稱焉者也 公娶本鄉莒江村夏氏女頗有德以相之生男五人長延玠次延招延駿延杲最少宗悟去俗而僧女二人長早亡次適夏仁舉孫六人宗勝宗達宗穆宗衡宗養宗翊公享年六十有六歲卒於崇寧丙戌之季春至大觀戊子孟冬初有八日甲申安厝于金端山之陽右虛其宅期他日以夏氏夫人合葬焉夫水之源深者則其流長人之積善者必有餘慶 公生前有厥德而源之深矣慶未及身其

在於後乎孫宗達宗穆今知讀書更使相繼爲此不  
已必有青紫來拜而表其墓者則土下之榮宜公  
當之延玠狀公之行來屬銘根乃隣邑亦末親不  
得再三辭銘曰

吳公最良 孝慈禮義 厥躬未名 後人之惠

銘德于幽 陰以昭示

福唐陳景從刊石

林用霖按宋處士吳承膺墓在秦順縣篠村鳳林  
前山碣高三尺餘平陽桂嶺逸人林根撰文浦城  
潘濂書丹文簡澀字瘦硬有古法

右宋處士吳承膺墓碣在秦順四都卽所稱小玉  
村是也大觀二年其子延玠立石石連額高三尺

見五十口未詳

孫詒讓案宋史宗室世系表魏王廷美子高密郡王德恭房有兩公傑一贈奉直大夫一贈武德大夫不知孰爲瑞安監稅也

明因院寶塔塼第三種

□保毛璿周備周楚材□□□

□道徐一娘李誠李皓孫□□

□□□□成董貴潘華□保

大觀三年六月

右一種亦係側面文上下殘缺四行存二十九字正書徑八分第一種文云大觀元年此云三年六月蓋莊嚴多寶非伊朝夕之功也別有三塼不詳



年月附見于左

白崑山頂造塔塼

正書徑一寸三分

瑞安白巖山頂佛塔塼

行書徑一寸三分

瑞安白巖山頂佛塔

行書徑一寸四分

陳伯鸞雙瀑潭銘

山裂一門 水分雙派

清虹沖雲 飛湧澎湃

滌煩醒心 流沫□□

振古如茲 朝宗于海

龍津黃存冲蒞事之初一見雙瀑  
想竹間之遺跡廣金溪以瀦水浮  
排亭以招隱九仙陳伯嚮父銘于  
石政和乙未五月二十有三日題

右刻在樂清丹霞山張文君丹爐之右大巖上磨  
崖大書八行前銘文四行每行二句八字句間各  
空一字後跋語四行行十三字俱正書徑六寸楷  
法精整巖壁立千仞下臨雙瀑潭遠望字跡可認  
者過半然無可椎搗乃緣梯絕壁上心摹手追幸  
無缺字惟三行末二字不甚明了黃存冲履貫無  
考其題記云蒞事之初當是邑令汝郡縣志載政  
和間樂清令有黃瑜存冲或卽其字歟政和乙未

乃徽宗第四建元之五年也

孫詒讓案此銘九仙陳伯嚮所作攷同治福建通志宋閩縣人物有陳葵字伯嚮初入太學試上舍優等崇寧中蔡京籍元符上書人奏乞編置葵其一也謫居衡州大觀三年赦還詔許依元考定甲分注官四年釋褐授温州樂清縣尉再調建安以陳瓘門人復爲京黨劾罷此陳伯嚮蓋卽陳葵嚮鄉字通故福建通志作字伯嚮其題九仙者樂史太平寰宇記江南東道福州有九仙山在州東南五里蓋以山名自表里居宋元人往往如是據銘後跋語蓋伯嚮時爲樂清尉與邑令同觀雙瀑因作銘刻石伯嚮以元符黨人謫官不愧了翁高弟

遺跡僅存劇可寶貴其爲樂清尉明以來郡縣志亦失載當據此刻及福建通志補其缺也

雙蓮橋石題字

宋宣和貳年

橋在永嘉城南玉蟾河上石長約五六尺橫臥橋柱閒秋冬水落時可見五字正書徑可尺許當是建橋時所題疑尙有數字後人修築置斷石於此志云舊有蓮花並蒂之瑞故名雙蓮康熙閒蔡兆豐募建序云肇基典午傳瑞累朝謂建始於晉未知所據

東甌金石志卷五